

# Annollau l'iniziativa da catscha

Il cussegl grond ei sefatschentaus intensivamein dall'iniziativa e catscha speciala

DA HANS HUONDER / ANR

■ **L'iniziativa encunter la catscha speciala ha procurau ier el cussegl grond per ina liunga ed intensiva discussiun. La fin finala ha il parlament annullau ella cun 79 encunter 36.**

Darar ei la tribuna stada aschi pleina sco ier. La tractaziun dall'iniziativa ha carmalau biars catschadurs ella capitala. La discussiun ei stada animada e detagliada. Aschi segirs sco ils ins ein che l'iniziativa ei nunvaleivla, tschentan ils auters en discussiun ils dubis dil dretg che concernan quella. Il cussegl grond ei sefatschentaus dils fatsgs dall'iniziativa sco dalla catscha speciala. La finala ha la fracziun dils catschadurs annunziat ina proposta per ina soluziun. Tenor quella duess la casch'aulta vegnir reaviarta per quater dis ella secunda mesadad digl october. Cussegliaer guvernativ *Mario Cavigelli* ha defendiu la proposta dalla regenza d'annullar l'iniziativa: «Il parlament ha la greva obligaziun da concluder schebein l'iniziativa ei conforma al dretg ni buca.» Denter auter ei



**Ina ga dapli caschuna la catscha speciala discussiuns, quella ga era el cussegl grond.**

KEYSTONE

ina catscha da reschia, pia entras la survigilanza, vegnida tematisada per aschia reglar ils effectivs tard igl atun. «Quei ei in frida mortala per 90 pertschien dils Grischuns. Nus stuessen tarmet-

ter survigiladers pagai alla catscha enstagl da schar far quei ils catschadurs», puntuescha Mario Cavigelli. El ha defendiu ils interess dil forestaesser. In pli grond diember da tscharvas possi ei bu-

ca vertir ord vesta da quel. Entochen la fin da redacziun haveva il cussegl grond aunc priu negin conclus.

➤ PAGINA 2

# «En dubi sto il suveran decider»

Il cussegl grond ei sefatschentaus intensivamein dall'iniziativa encunter la catscha speciala

DA HANS HUONDER / ANR

■ **Il gliendisdis suentermiezdi ha il cussegl grond tractau l'iniziativa encunter la catscha speciala. Regenza e cumissiu predeliberonta han proponiu al parlament d'annullar quella. La discussiun ei stada fetg animada. El center da quella ei stada la legitimitad dall'iniziativa.** L'iniziativa encunter la catscha d'atun ei vegnida inoltrada ils 21 d'ost 2013 alla canzlia cantunala. 10 229 vischinas e vischins han suttascret quella. Necessarias fussen stadas 3000 suttascripziuns. L'iniziativa pretendia ina midada dalla lescha da catscha cantunala. Igl artechel 11 duei vegnir midaus en quei senn ch'ils plans da catscha vegnan contonschi en cuort temps, en mintga cass denton duront la catsch'aula ordinaria. En quei connex duei era vegnir risguardau ina catscha els asils per aschia contonscher la regulaziun necessaria senza ina catscha speciala. Il temps da catscha ei da fixar aschia che la catsch'aula cuoza duront maximalmeins 25 dis duront il settember ed igl october cun la pusseivladad d'ina interrupziun dalla catscha da silmeins treis dis in suenter l'auter.

## Planisaziun reconuschida

Sin fundament da pareris externs ha la regenza proponiu al cussegl grond d'annullar l'iniziativa. Ella constatescha che l'iniziativa cunterfa en plirs puncts alla lescha da catscha e la lescha d'uual federala. A quella conclusiun vegn era la maioritad dalla cumissiu per ambient, traffic ed energia dil parlament cantunal. Ils puncts essenzials dil conclus dalla maioritad dalla cumissiu ein vegni dilucidai dil president dalla cumissiu, deputau *Andreas Felix* (bdp, Haldenstein). Tenor el constat il



Alla catscha speciala sto vegnir sittau surtut animals feminins e giuvenns.

sistem cun catscha speciala, el sebasei sin experientschas: «Igl ei buca pusseivel da sittar il diember da tscharvas il temps ch'ils iniziants proponan, essend che biaras ein gnanc cheu il settember ed october, mobein ordeifer il Grischnun ni el Parc naziunal. La planisaziun dalla catscha el Grischnun ei reconuschida internaziunalmeins. Senza quella eis ei buca pusseivel d'ademplir las pretenziuns pertuccont structura e schlatteina dalla populaziun dallas tscharvas.» Quei attestati il pareri extern. La lescha federala d'uual pretendi ina regulaziun dalla sevaschina aschia ch'ei seigi buca necessari da prender mesiras forestalas specialas. Deputau *Jan Koch* (pps, Ei-

gias) ha plidau en num dalla minoritad dalla cumissiu. Ei detti negina formulaziun precisa ellas expertisas che pretendi che l'iniziativa cunterfetschi al dretg surodinau: «Il senn dall'iniziativa stat buca en discussiun, mobein il dretg. En dubi sto il suveran decider.» Susteniu il meini dalla minoritad dalla cumissiu ha era deputau *Conradin Caviezel* (ps, Cuera). En cass da dubi seigi l'iniziativa da suttammer al pievel.

## Tschercar soluziuns

Deputau *Daniel Albertin* (pcd, Alvaschein), commember dalla cumissiu,

suttastreha surtut la problematica dils donns egl uaul. Sco pur sappien ins era pover mo tons animals sco quei ch'il pavel lubeschi. La protecciun digl uaul stoppi vegnir risguardada, la lavur dils davos decennis astgi buca vegnir disfatta mo aschia. Tenor deputau *Ernst Sax*, (pcd, Sursaiusa), medemamein commember dalla cumissiu predeliberonta, cunterfa l'iniziativa claramain al dretg da catscha e digl uaul. Cun in gie all'iniziativa sappien ils plans da tscharvas e cavreuls buca vegnir contonschi ni qualitativamein ni quantitativamein. Medemamein era buca il criteris regiunals: «El giudicament dall'iniziativa ei il text decisiv e buca l'opiniun subjectiva dils iniziants.» Per deputau *Beat Deplazes* (ps, Cuera) ch'ei medemamein commember dalla cumissiu, eis ei buca cumpleinamein clar schebein l'iniziativa cunterfa al dretg ni buca: «Teoreticamein eis ei pusseivel da realisar quella. Ella pratica sepresentass perencunter in grond problem.» Beat Deplazes ei – sco sia collega da partida deputada *Tina Gartmann* era – puerschuadius ch'ei drova ina catscha speciala. Ins sappi tonaton reponderar quella. In clar plaid pertuccont la legitimitad dall'iniziativa ei vegnius da deputau *Walter Vetsch*, (pld, Pragg-Jenaz): «Annullar l'iniziativa ei memia sempel. Cun dir gie ad ella purtein nus denton era gronda responsablada.» El criticatescha las expertisas externas dalla regenza. Quellas seigien per part grevas da suandar e per part cuncontrastontas. Sco vischin dalla Purtenza seigi el plaunsiu unfis da tedlar permanentamein il se-scagnem pervia dalla catscha speciala. Deputau *Lorenz Alig* (pld, Pigniu) plaidd d'in magliac scalgias. Quel fusi ei stau pusseivel d'impedir. El hagi negina capientscha ch'ins vegli annullar l'iniziativa.

## Tschercar soluziuns

Deputau *Christian Mathis* (pps, Küblis) ch'ei in dils iniziants, ha argumentau l'iniziativa. Ils dubis davart la catscha speciala el Grischnun seigien gronds enteifer la populaziun. Ei regi in grond malesser. Il november e december drovi la selvaschina ruas. El fa menziun dil grond diember d'asils. A quels seigi ei d'attribuir ch'ei seigi buca pusseivel da sittar dapli tscharvas il settember. La catscha speciala seigi ina fatschenta lucrativa per il cantun, rondund in miez milliun francs flessegi aschia ella cassa cantunala. Essend che regenza ed uffeci seigien buca stai prompts da reagir sin la critica dalla populaziun seigi l'iniziativa stada necessaria. Deputau *Gian Michael* (pbd, Donat) admonescha ch'ins duei buca semplamein embliadar il tema catscha speciala en cass che l'iniziativa vegn annullada. Ei seigi da tschercar soluziuns, denter auter ensemble cun ils iniziants. Cun bunaveglia seigi ei pusseivel da cattar quellas. Deputau *Emil Müller* (pbd, Susch) menziunescha en special ils donns che vegnevan caschunai pli baul dallas tscharvas ell'agricultura.

## In cumpromiss?

Deputau *Christian Kasper* (pld, Buchen) ch'ei era vicepresidente dall'Uniu cantunala dils catschadurs da patenta e president dalla fracziun dils catschadurs el cussegl grond, puntuescha che la fracziun hagi contactau ils iniziants ed empruau d'anflar ina soluziun. Quei seigi buca stau pusseivel. «Per quei motiv ha la fracziun tschercu sezza ina soluziun. En cass che l'iniziativa vegn annullada, vegn quella inoltrada.» La proposta preveda ina catsch'aula il settember cun maximum 21 dis e cun ina interrupziun da maximum treis dis in suenter l'auter. Plinavon quater ulteriurs dis da catsch'aula ella secunda mesadad digl october.